



# КОМСОМОЛОНЬ ВАЙГЯЛЬ

Сембе масторонь пролетариятне, пуромода марси

ЛИСЕНДИ V-це КИЗОСЬ

Мокшарзянь ВЛКСМ-нь  
обкомть и Саранскяень  
горкомть газетасна

Адресс: г. Саранск, ул. Ленина 11,  
телефон № 1—72.

И Ю Н Т Ь  
26-ЦЕ ШИСТОНЗА  
1937 КИЗОНЯ  
69 (44 3)

Лисенди ковти 12-ксть.

## СОВЕТСКИИ БОГАТЫРЬХТ

Кодама чудеснай пингста, кода-  
ма чудеснай странаса минь эрята-  
ма, ялгат! И фкявок ков нинге  
ашезь йота ся пингть эзда, кода  
советский тяжелой самолетонь  
воздушнай эскадрасы великолепнай  
штурмаса сязезь тя пингс непре-  
ступнай Северной полюсть, нинге  
лихть модать сембе ширензон э-  
да восхищенный поздравления и  
приветствия культурань и про-  
грессонь большевистский рыцарь-  
хненди, а минь родинанькени  
цоранзон од богатырский под-  
вигна-ни потрясандайхть сембе  
мирть эса.

Аделаф историяса величайшай  
перелетсь, равнай конаньди аше-  
уль и тя нинга аш. Тевса тийф че-  
ловечествань мечтась материкнен  
йоткса Северной полюсть туркс  
воздушнай кить колга. Портландть  
малас, Американь Соединеннай  
Штатнень эса, валгсь геройхнен  
якстерь паце самолетсна, кона  
аньцек кодгемонь колмува частга  
инголе лийсь Москувонь шовда-  
вань менельга.

Кода радостна чувствовать эсь  
прицень соотечественникс Чка-  
ловти, Байдуковти, Беляковти!  
Радостна содамс, што эрят вели-  
кай сталинский эпохаса, великай  
страваса — героень, сталинский  
победань странаса.

Марса Сталин ялгать марта,  
марса партия и правительствать  
руководительсон марта странасы  
горячайста поздравиндакшесыня  
отважнай и мужественнай советский  
пилотнень, конат успешнайста  
завершили геройский перелетть.

Человечество мечтани — Се-  
верной полюсть велькса йотасть  
геройхне, конатнень приветство-  
вандазь полюсть васень советский  
жителинза. Непреступностень по-  
люсть велькса, куваня мзярдонга  
нинге фкявок самолет ашезь лие-  
ндя, мольфтезь геройхне эсь  
триумфальной киснон, и тани аш-  
ни „непреступностень полюсь“.  
Сонь победили большевикне.

Севернай Канада велькса,  
Скалистай пандтнень вечнай лов-  
сон велькса, тейкек дружест-  
веннай Американь Соединеннай  
Штатнень ошон, портсон и  
поселениясон велькса Заалели  
Геройхнен самолетсон пацияза —  
великай Советский Союзть сим-  
волец.

Наука, мир, чаловечество  
советский пилотне одук и одук  
няфтсть эсь эздот благороднай-  
ста служамань образец. Сын ся-  
козь природать суровой барьерон-  
зон и соньцень природать, сяско-  
мок, путежь ломаньти служамань. Тя  
великолепнай воздушнай больше-  
вистский коллективти героень —  
Чкалов, Байдуков, Беляков — тя  
славнай тройкати поладсть кон-  
центрированной вийсь, бесстраш-  
ясь, знаниясь и большевистский  
упорствась.

Ня кшнинь ломаньти беззавет-  
найста преданнайхть родинати, Ле-  
нинонь — Сталинонь партиянтцы,  
апак сизьсек свершали эсь подви-  
гон социалистический родинать  
славас. „Родина калга, Сталин калга  
мыслатнень эса минь карма-  
матама амоляма вийхть, отвага и



Кись, конань йотазе „АНТ—25“ самолетсь Москувста Американь  
Соединеннай Штатту.

решимось, — сьормадсть герой-  
хне стартта инголе.

Сын содазь, сяскомок необо-  
римай воздушнай пространствать,  
што сын мельгаст гордость, лю-  
бовь и надежда марта ваны сембе  
странасы. Тянь сын содазь. Сын  
чувствовали странать волнующай  
близостенц. Сяс и яфоди тяфтама  
несокрушимай уверенностясь му-  
жественнай радиограмматнень э-  
да, конатнень каннезень тейкек ра-  
диось самолетть боргста. Сын аф  
лама валсот, ня радиограммат-  
не.

— Сембе порядкаса. Сембе по-  
рядкаса.

И сын завоевандазь победать.  
Мирсь восторженнайста аплодиру-  
ег славнай победительхненди.  
„Мирсь содрогається!“ — восхище-  
нияса восклицандай Сан-Францис-  
коть „Кроникл“ газета. Советский  
летчикне „жарьмедсть мирса самай  
головкружительнай предприятия-  
ти, — жарьсь американский авиа-  
ционной экспертсь. И сын сьер-  
шили сонь — коротай тани сембе  
мирсь. Американь Соединеннай  
Штатнень эса советский самолетть  
триумфальной финишец — Совет-  
ский Союзть триумфот. Сталинский  
питомецнень инкса, минь странань-  
кень инкса кенярдьфонь и гордо-  
стен чувстваса фатяфт сембе со-  
ветский патриотне.

Нят кенярдьфсь и гордостьсь  
законнайхть. Аш кода ванондомс  
советский авиациять прекраснай  
триумфонзон изолированнойста  
странать марстонь (общай) сатфк-  
сонзон эзда, кона шафтозень сын.  
Аф горсточка героень случайнай  
удача марта кирьдьяма тся минь  
тев. Аф частнай инициатива, аф  
спортивной предприимчивость, аф  
одиночкань мечта тиезь реальнай-  
ня чудеснай полеттнень. Больше-  
вистский партиясь, могучай стра-  
нась ащихть геройхнен инкса. Ро-  
динась кучезень сын мужеством  
подвиги и славас.

Советский государствать вели-  
кай мощец — вомезьсь тиезесказ-  
каль былькс, вомезьсь завоеван-  
дазе Северной полюсть, вомезьсь  
максозе возможностьть немедлен-  
на воспользовандамсь полюсть за-  
воеваниянц марта полюсть туркс  
Американь полетть организовадан-  
манц инкса.

Мзярда Арктикаты эйнь паксян-  
зон велькса морась Чкаловть,  
Байдуковть и Беляковть самолет-  
нон моторот, тя победнай мороса  
кайгсь славась минь социалисти-

ческий индустриянхненди минь  
могучай странанхненди, минь вели-  
кай народонхненди, минь нести-  
баемай большевистский парти-  
янхненди.

Странасы восторженнайста при-  
ветствовандакшесыня Валерий Чка-  
ловть, Георгий Байдуковть и Алек-  
сандр Беляковть. Сон гордится  
сын марто, эсь отважнай цо-  
ранзон марта. Сын путсь мужес-  
вань, отвагань, выдержкань, хлад-  
нокровиянь и маштомань непре-  
зойденнай рекордт, конат сембе  
поколениянь летчикненьди лама и  
лама кизот кармайхть служамань при-  
меркс.

Сын осуществиндазь несбыточ-  
найста лувондф мечтать Северной  
полюсть туркс Америкать марта  
воздушнай сотксть колга сын во-  
очию няфтезь большевистский меч-  
таниянь творческий вийть. Тани  
можна реальна мечтандамсь ся  
пингть колга, мзярда геройхнен  
киснон эзга кармайхть лиендема  
самолетне материкста материкс,  
сотомок дружань нинге сяда ке-  
ме сотксса СССР-нь и США-нь  
народтнень.

„Гордимся отважнай и мужес-  
веннай советский летчикнень мар-  
та, конат аф содайхть преградат  
пугф целень сатомань тевса“ —  
Сталин ялгать, партия и прави-  
тельство руководителезон ня  
валсон эса азфт сембе народть  
чувстванза, конац марса эсь во-  
дензон марта обнимандасыня эсь  
героензон и люпштасыня сын  
кядьсон.

Панчф авиациять историяса од  
глава. Тя главать титулонцы зо-  
лотонь буква сьормадфт летчик-  
нень-большевикнень Чкаловть, Бай-  
дуковть, Беляковть славнай ли-  
емасна.

Ломаньт марта природать по-  
крывандамца историяса панжевсь од  
эра.

Тя эрати знаменосецокс арась  
Советский Союзсь, победоноснай  
социализмань, миронь оплотонь,  
культурань и прогрессонь стра-  
нась, прогрессивнай человечествань  
передовой отрядон.

Слава советский богатырхнен-  
ди Чкаловти, Байдуковти и Беля-  
ковти! Слава Советский Союзти,  
конань улихть тяфтама цоранза!

(„Правдаты“ июнь 21-це шинь  
передовоец).

США, Вашингтон штат  
Портланд ош

Советский Союзонь геройти  
В. П. ЧКАЛОВТИ.

Советский Союзонь геройти  
Г. Ф. БАЙДУКОВТИ.

Советский Союзонь геройти  
А. В. БЕЛЯКОВТИ.

КЕЛЬГЕМА ЯЛГАТ!

Ленинский комсомолсь, сембе  
советский од ломаньти безмерно  
восхищенныйхть тинь подвигон-  
тенди. Тинь штурмакс сявость по-  
люсть непреступностенц, тя эень  
безмолвиянь крепостть, конац тя-  
чимс ульсь недостижимайкс ло-  
маньти. Тинь тиеде кафта вели-  
кай странатнень йоткс нюрхкяне  
ки. Тинь нинге васть няфтесть  
сембе мирти минь великай социа-  
листический родинанхнен, совет-  
ский народть виенц и мощенц.

Минь странанеконь юношенза и  
стирнянза инь оцю благодарность-  
са шарфнихть мяль тинь изуми-  
тельной сочетаниясь мужеством  
и настойчивостень крхка знаниянь  
и мастерствань кепетьксонтенди.  
Советский од ломаньти, вдохно-  
вленнойхть тинь подвигонтен  
марта, анокт пашкедемс эсь труд-  
сон и доблестьсон марта прос-  
лавить эсь отечестванхнень могу-  
ществанц и неприклонно следо-  
вать любой маршрутонь коряс,  
конанц няфцы эсь великай во-  
денке Сталин ялгасы.

ВЛКСМ-нь ЦК-ть секретарец  
А. КОСАРЕВ.

Сан-Францискоса  
Советский  
геройхнен  
примамасна

Сан-Франциско, июнь 22-це  
шистонза. Тячи Советский союзонь  
геройхнен Чкаловть, Байдуковть  
и Беляковть афициальна приветст-  
вовандазь Оклендань Мэрьс и Сан-  
Францисконь военнай властнень.  
Шить омбоце палестонза ульсь  
тийф прием муниципалитетса. Мэрьс  
Россис афициальна приветство-  
вандазень советский летчикнень.  
Сон азозе, што сын тисть гран-  
диознай подвиг, и предложил Со-  
ветский союзонь геройхненди Сан-  
Франциско ошть гостеприемстванц.  
СССР-нь полпредствать Троянов-  
скийть вельде просил максом поз-  
дравления „Странати, конац тиезе  
возможнайкс тя перелетть Совет-  
ский Союзти“. Ня валхне ульсь  
вельхтяфт бурнай аплодисментса.  
Трояновскийсь азсь благодарность  
Мэрти приемонц инкса и азсь бла-  
годарность сембе американский  
властнени, конатнень лезксна  
содействовал Москуста Северной  
полюсть США-в перелетть успе-  
хонцы. Советский летчикне, конат  
ульсь васьфитфть виюста кядень  
цяпамаса кортасть нюрхкяне  
речт.



## ПРИВЕТСТВОВАНДАСАСЬК „ОБОРОНАНЬ ЗАЙМАТЬ“ НОЛДАМАНЦ

### КЕМЕКСТАСАСЬК РОДИНАНЕКОНЬ ОБОРОНАНЦ

Июньть 15-це шистонза од Выселка велеса паксаян станса ульсь йотафтф митинг троцкистский шпионтнен ляцемаснон колга. Колхозникне военной коллегиянь Верховнай судть приговоронц шназь.

Сембе колхозникнен троцкистско-бухаринский бандитненди и иностраннай шпионтненди ульсь фкя ответсна, — машфтомс гадинаднен.

Тяда башка колхозникне эняльдихть партиять и правительствать инголе, штоба курокоме нолдамс СССР-нь обороннай займать.

И. С. Паршин.

Зубунь р-н.

## ЭРЯСКОФТОМС СССР-нь „ОБОРОННАЙ ЗАЙМАТЬ“ НОЛДАМАНЦ

Махорочнай фабрикань рабочайхне и служащайхне единодушна шназь железнодорожникинен СССР-нь обороннай займать нолдаманц колга призывсон.

Рабочайсь Ключев ялгась терьнесыне фабрикаста сембе рабочайхнен шоворемс железнодорожникинен призывсонды.

Полякова ялгась аззе, што советский странасть кеме эсь сплоченностенц и единстванц марта и сонь виенц аф синьдсы фкявок враг. — Мон максаян тяфтама предложение, кортай Полякова ялгась, — эняльдемс партиять и правительствать инголе штоба, эряскофтомс СССР-нь обороннай займать нолдаманц.

(М ТАСС).

## ВОЕННАЙ КОЛЛЕГИЯТЬ ПРИГОВОРОНЦ ШНАЗЬ

Саранск. Мокшэрзянь фельдшерско-акушерский школаса аф кунара ульсь митинг Верховнай судонь военной коллегиять приговоронц троцкистско-зиновьевский шпионтнен ляцемаснон колга. Митингса ульсь 300 ломаньт.

Эсь выступлениясонза Сычев ялгась кортась, што машфтомс кореньснога гадинаднен.

Военнай коллегиять приговоронц митингсь шназе.

Тяда башка студентне и преподавательхне оцю мяльса васьфтезь железнодорожникинен предложениясон обороннай займать нолдаманц колга.

И. Белов.

## Минь ответоньке

Лувомок СССР-нь военной коллегиянь Верховнай судть приговоронц фашистский шпионтнен ляцемаснон колга, минь кирьдеме оцю гнев ня варварский бандитненди.

Минь фкя ответоньке: — таргамс сембе троцкистский, шпионтненди лядыкс коряньсон.

Минь эняльдтма правительствать инголе, курокоме нолдамс СССР-нь обороннай займать.

В. Каргин.  
Н. Ямашкин.

Шойговань р-н,  
С. Теризморга веле.

## Ученикне приветствовандасазь оборонань займать нолдаманц

Июньть 14-це шистонза Малавонь ПСШ-са ульсь митинг СССР-нь Военнай коллегиянь Верховнай судть приговоронц колга.

Сембе ученикне приговорть шназь. Эсь решениясон проклинандазь призренай народнай врагтнен.

Ученикне приветствовандазь СССР-нь Совнаркомть путфсонц СССР-нь обороннай займать нолдаманц колга.

С. А

Рыбкинань р-н

## Отличникне кучфт пионерский лагеря

Малавонь средняя школаста кучфт 14 пионерхт (Врагова Р., Алямкина М., Шиндяйкина Т., Кильдишова Т.) и лия ученикне районнай пионерский лагеря.

Нят ученикне сембя дисциплинатнен коряс испытаниятнен максозь анычек отличнай отметка марта.

Алешин.

Рыбкинань р-н.

## Нолдафт—ярмакт


Пединститутонь профсоюзнай организациясь 60 студентонди нолдась профсоюзнай ярмакнен эзда курорту, санаторияв и дом отдыха вастт.

Васендакига ваймосема кучсе- вихть отличник студентне.

Тяда башка 2-це курсста студентне туйхть военной лагеря.

Оськин.

Саранск ош.



МОСКВА—ВОЛГА КАНАЛСЬ  
СНИМКАСА: Химкиса речной вокзалсь (1-це этажень балкон)  
Фотось А. Тортаковскаянь (Союзфото).

## ОЦЮ СПАСИБА СТАЛИН ЯЛГАТИ

Буденнай ялгать лемеа колхозса (Атемарский МТС) колхозникне марстонь колхознай пуромксса обсудили ВКП(б)-нь ЦК-ть и СССР-нь Совнаркомть Мордовиянь колхозтненди продовольственной государственной ссудань лезксть нолдаманц колга решениясон.

Пуромксса участие прьмасть 500 колхозникт.

Колхозникне азсть оцю спасибо партиять, правительствати и кельгема Сталин ялгати.

Колхознай пуромксссь сергыдезевь сембе Саранский районста колхозтнен кочкомань кампаниять цебарьста йотафтоманц инкса социалистический соревонованияс.

М. Т.

## Павазу эряфса, павазу и работаське

Маластонь шитнен „Валда ян“ колхозсь аделасыне кочкоманзон. Тячиень шити кочкф 390 гектархт. Сембе кочкихне эсь йоткост тисть социалистический договорхт.

Аф шуроста кочкихнен кургста можнат марямс тяфтама валхт: — „Павазу эряфса, павазу работаське“.

Кочкихнен йоткса вятеви оцю культурно-массовой работа. Обедонь перерывста эряйхть беседат, лувондохить газетат, нолнеихть бригаднай газетат и ст. тов.

П. Афтайкин.

Ковьякинань р-н.

## МАССР-нь КОНСТИТУЦИЯТЬ ПРОЕКТОНЦТЫ ДОБАВЛЕНИЯТ

МАССР-нь Конституциять проектонц 109 статьясонза азф:

„Эрь депутатсь эсь кочкаензон инголе эсь работанц и трудящань депутатонь Советть работанц колга обязан максемс отчетт законса путф порядкатнен коряс и валтови любой пингть кочкайхнен оцюшкаснон решениясон коряс“.

Монь тя статьяти доовлениязе тяфтама: Эрь депутатсь эсь кочкаензон инголя обязан отчитаться эсь работанц колга колма ковти весть, сянь инкса, штоба трудяень массатне требовали кочкаф депутаттнен ширьде, кода йотафневи эряфс трудяйхнен наказсна.

МАССР-нь Конституциять проектонц 86-це статьясонза азф:

„Мордовский АССР-нь граждантинен, мзарда синь сиредихть, а станя жа мзарда срядихть али юмафисазь трудоспособностьсон, улихть правасна получамс материальной обеспечения“.

Тя правась обеспечендакшеви государствать счета рабочайхнен и служащайхнен социальной страхованиясон келептезь, трудяйхненди питнен апак пандт медицинский лезксонь максозь, трудяйхнен пользование лама курортонь максозь.

Мон тя статьяти максаян тяфтама добавление: ся идьтне, конат кадозь на произвол судьбы эсь сире родительсон, аф максихть теест лезкс, эрявихть привлечьть уголовнай ответственностьс. Тя эряви сяс, мес кой-кона идьтне кадонцаз эсь родительсон.

МАССР-нь Конституциять проектонц 87-це статьясонза тяфта азф:

„Мордовский АССР-нь граждантинен улихть правасна тонафнемс. Тя правась обеспечендакшеви сембенди обязательнай начальнай образованиянь питнен апак пандт тонафнемаса, коза сувафневи высшай образованияська, высшай школаса тонафнихнен сембеда оцюшкаснонды государственнай стипендиянь максомаса, школатнен эса родной кяльса тонафнемаса, заводга, совхозга, машинно-тракторнай станциява и колхозга трудяйхнен, питнен апак пандт, производственной, технической и агрономической тевс тонафнемаса“.

Монь добавлениязе тя статьяти тяфтама: Начальной школава 4-це класснен эзга кемекстамс обязательнай предметкс иностраннай кяль.

И. С. Паршин.

Ново-Выселка веле, Зубово-Поляннай район.



# ВИШКОПТЕМС КРИТИКАТЬ И САМОКРИТИКАТЬ ВЛКСМ-НЬ ОТЧЕТНО-ВЫБОРНАИ ПУРОМКСНЕНЬ ЭСА

## Лувомс эльбяткксненъ

Васенце пингонь выборхне Ко-дошкинский комсомольский орга-низацияса няфтезъ, што ВЛКСМ-нь райкомть работань стильсонза ульсть лама грубай афсатыкт.

Отчетнай пуромксне йотсхть развернутой большевистский кри-тика и самокритика вельде.

ВЛКСМ-нь райкомонь первич-най организацияса отчетнай пу-ромксса сембец ульсь 10 ломаньт, конатненъ эзда 7 ломаньт кортасть пренияса. Сембе пренияса кортай хне азондозь комсомольский ор-ганизациять секретаренц Лисен-ков ялгать кальдяв работанц. Ра-ботань планоц комсомольский ор-ганизациять ашель, пуромкст йотафневсть случайста-случайс политзанятия ашеть эря. А тя организацияса ВЛКСМ-нь члентне сембе ответственный комсомоль-ский работник.

Стар-кор-майданский средний школань комсомольский организа-циять отчетно-выборнай пуромкс-сонза комитетонь секретарьт док-ладонц коряс пренияса кортась 12 ломаньт.

— Мон ильня аф содаса мзяр-да минь организациясонок ульсь комсомольский пуромкс—кортай Ларцев ялгась. Критика и само-критика организациясонок ульсь люпштаф, политтонафнемань кру-жонке работаст пяк кальдявста. Ламоц комсомолечненъ йоткста тячимс аф содасазь ВЛКСМ-нь ЦК-ть III-це пленумонц и **Коса-рев** ялгать докладонц. Комитетт секретарец Дыдошкин ялгась без-действовал.

Тяда башка комсомолечне ке-места критиковандазь ВЛКСМ-нь райкомть кабинетно-бюрократиче-ский работань стилени.

Ня организацияса выборхне йо-тасть ВЛКСМ-нь ЦК-ть указанин-зон коряс. Эряви азомс, што кой-кона организацияса выборхненъ

йотафтомаснон пингста нолдасть грубай ошибкат. Кепетьксонди, **Ногаевский** комсомольский ор-ганизацияса отчетнай пуромкста ингели кодамовок анокламань ра-бота ашезь йотафнев.

Комсомолечне ВЛКСМ-нь ЦК-ть III-це пленумонц решениянзон и Косарев ялгать докладонц ашезь сода. Райкомста кулят ашест пач-фнев пуромкст йотафтоманц кол-га. Сембе пуромкст и счетнай комиссиять работасост руково-дил ВЛКСМ-нь райкомть предста-вителец Ключев ялгась, конац пар-торг Кошелев марта семейнай-ста кортамок, комсоргти апакаст, кочкасть комсомольский пуромкс.

Пуромксса комсомолечненди ВЛКСМ-нь ЦК-ть съормац выборх-ненъ йотафтомаснон колга апака-луфт, голосованинъ ящикт апака-аноклактольхъ.

Тянъ сюнеда комсомолечне ашезь сода кода йотафтомс за-крытай (тайнай) голосованинъ и мезе тиесм голосованинъ спис-катненъ марта. Эста Кошелев ял-гась таргазе шраста ящикт и ушедсь азондомонза ВЛКСМ-нь ЦК-ть инструкциянц выборхненъ йотафтомаснон колга.

— Ниясаст кодама тевсь,—кор-тай Кошелев ялгась, минь голосо-ванинъ ящиконке ашет, но мож-на вов тя ящикс применить—няфтезе шрань ящикт, и сей кар-матада нолнемост голосованинъ спискатненъ.

Тяконь марта аделазе ВЛКСМ-нь ЦК-ть инструкциянц азондоманц выборхненъ йотафтомаснон колга.

Мон аф содаса кодама анокла-мань работа йотафць ВЛКСМ-нь райкомсь комсоргтненъ и комите-тонь секретарьхненъ йоткса, но можна арьсемс, што райкомсь вы-борхненди аноклась кабинеца.

Давыдов.

Кадошкинский район.

— 000 —

## Ков пачкодъсть Торбееванъ делецне

ВЛКСМ-нь Торбееванъ райкомть секретаренц полафтыец **Буров** ялгась максь ВЛКСМ-нь Атюре-ванъ райкомть оргтройканцы све-денийт ВЛКСМ-нь первичнай ор-ганизациятненъ лувкснон колга. Нят сведениятненъ коряс, Торбе-еванъ районца, Атюреванъ рай-ону йотнихть 7 комсомольский организацият.

**Буров** ялгась нят сведения-ненъ сявозень аф действитель-ностьт эзда, а поталакта.

Торбееванъ районца Атюре-ванъ районти йотай велетненъ эса сембец комсомольский организа-цияда ульсь аф 7, а 10. Но нят 10 комсомольский организацият-ненъ эзда пяк нюркяня пингста, мес бди, иляць 7 организацият.

Тя фактс кортай сянь инкса, што райкомть кабинетнай руко-водителенза сязьфтельхть комсо-мольский организациятненъ эзда. Райкомть работниконза велень пер-вичнай организациятненъди якасть пяк шуроста, а ичкозденъ велет-ненъди йофикс ашеть яка.

Торбееванъ райкомонь делецне кафта комсомольский организа-

циятненъ (Каменканъ и Духонки-нанъ) нардась спискатненъ эзда. Нят велетненъ эса улихть комсо-молечт, но райкомсь, мес бди, синь аф лувонцыне, а первичнай организациятненъ „машфтозень“.

Тат—Велязем велеса комсомоль-ский организациясь пуроптф нин-га 1931-це кизоня. Сембец тя ор-ганизацияса 5 комсомолечт, ули и комсоровок.

Тя комсомольский организа-ция райкомсь юкстазе. Райкомста мзярдонга и кивок ашезь яка тя комсомольский организацияти прак-тический лезксонь максома.

Тячить самс тя комсомольский организациясь работась пяк каль-дявста. Аньцек тяни, мзярда сонъ музя Атюреванъ ВЛКСМ-нь рай-комть оргтройкац—кармась рабо-тама. Тяни тя комсомольский ор-ганизациясь цебарьста аноклай выборхненъди. Комсомолечне пяк оцю мялса ушедсть тонафнемон-за ВЛКСМ-нь ЦК-ть III-це пле-нумонц решениянзон и Косарев ялгать докладонц.

Д. Родин.

## Васенце выборхне

Васенце пингонь выборхне ком-сомольский организациятненъ эса няфтезъ, што закрытай (тайнай) голосованинъ кепедезе эрь ком-сомолечт энтузиазманц больше-вистский критика вйшкелтеманц инкса.

Закрытай (тайнай) голосованинъ аф макси кодамовок головотя-поньди али политически беспечна-еньди повомс руководящей комсо-мольский органтиненъди.

Закрытай (тайнай) голосованинъ лифцыне лангу сембе троцкистско-бухаринский гадинатненъ, машф-цыне диверсантненъ и фашистский шпионтненъ коряньснон Ленин-ский комсомолъ йоткста.

Закрытай (тайнай) голосованинъ нингы сядя пяк сплываает комсо-молечненъ партиять и кельгема Сталин ялгать перьф.

Июньт 14-це шистонза Атюре-ванъ районца васенда выборхне

йотасть Атюреванъ ПСШ-нь ком-сомольский комитетса. Комитетт докладонц коряс пренияса кортасть 17 ломаньт.

Большевистский критика и са-мокритика лифтезень сембе без-образиятненъ комитетт работас-тонза. Комитетс тячимс работась кабинетно-бюрократический стиль-са. Критика ульсь люпштаф. Школаса кодамовок политико-вос-питательнай работа ашезь йотаф-нев. Тя кальдяв работать сюнеда школаса лама пинге вятеть эсь подлай работаснон народной врагт-не (Башкирцевсь, Голышевсь, Ба-ранинсь).

Закрытай (тайнай) голосованинъ комсомолечне кочкасть од коми-тет. Од комитетт составс апака-кочка фкявок член ингольденъ комитетт составста.

Дм. Р.

— 000 —

## Выборхне йотасть активнайста

Июньт 15-це шистонза Сире-Сомань комсомольский организа-цияса ульсьт йотафтфт выборхт.

Комитетонь секретарьт отчет-тонза меле комсомолечне вишкста критиковандазь комитетт рабо-танц.

— Комитетс кодамовок работа афсоюзнай од ломаньтненъ йотк-са ашезь йотафне,—кортай Трошев ялгась. Сядонга кальдявста рабо-тась ащи од стирьнятненъ йоткса.

Чекмаева ялгась эсь выступле-ниясонза оцю мяль шарфнесь лик-

безть работанц лангс, што ВЛКСМ-нь комитетс кодамовок мяль ашезь шарфне тя инь ответ-ственный работать лангс.

Комсомолечне вишкста критико-вандазь ВЛКСМ-нь райкомть, што ВЛКСМ-нь райкомсь шуроста эряй первичнай организациява и кодамовок пцтай лезкс аф макси комсомольский организациятненди политтонафнемань кружокненъ ладямаснонды.

Гордеев.

Рыбкинань р-н.

## АФ СЯЗЕМС ОЗДОРОВИТЕЛЬНАИ КАМПАНИЯТЬ

Шайгованъ райисполкомть пре-зидиумонц путфксонза съормацф, што ушedomоц июнь ковть 15-це шистонза и августъ 15-це шинц-ты модемс панжемс кафта коновъ пингс пионерский лагерьхт. Пионер-лагерьса арьсеф ваймафтомс 250 пионерхт.


Райисполкомть президиумоц ке-мекстась тя мероприятият йотаф-томансти 36 тьожаньт цалковайхть.

Эряви азомс, што тя тевсь илядк-шни кагод лангса. Практически

мезевок аф тиеньдеви. Тячненъ шить самс кой-кона комсомольский организациятне аф содасазь кинь кучемс лагери, а колхозонь прав-лениятне йофикс мезевок аф арь-схть, штоба явштомс средстват лагери молихненъди.

Надиятама ВЛКСМ-нь обкомть лангс, што сон шарфты тя тевти эрявикс мяль сянь инкса, штоба аф сяземс оздоровительнай кам-паниять.

В. Каргин.



СНИМКАСА: Саранскийса Сталинть лемса „Гигант“ колхозть нешке перец. Фотосъ ВЕРЕТЕННИКОВТЬ.



## Якстерь спортивной Интернациональ 16-цегодовщинац

1937 кизоня июль ковста топоди якстерь спортивной Интернациональ 16-це кизонь годовщинац. Топоди сембе масторонь пролетарский якстерь спортивной Интернациональ 16 кизонь революционнай тюреман, империалистический, фашистский и милитаристический спортт каршес, империалистический войнать анокламанц каршес, СССР-са социалистический отечествовать ареляманц инкса.

Ня 16 кизотнень пингста якстерь спортивной Интернациональ сатсь оцю сатфкт единой пролетарский спортивной фронтт инкса, фашизмат каршес тюремаса.

Тяда башка якстерь спортивной Интернациональ расширенной секцияц, вяць оцю работа сембе капиталистический странатнень эса рабочей спортивной массатнень буржуазнай и фашистский спортивной организациятнень эзда сямаснон инкса.

Пролетарский тюремат эса оцю роль заньси СССР-нь физкультурнай организациясь, конац лувондови якстерь спортивной Интер

националса фкя инь боевой секциякс. Сон арси кепедьксокс капиталистический странань сембе спортивной обществатненьди, коса ащи хть рабочаен од ломантьт, капитализмат и фашизмат каршес тюремат инкса.

Физкультурнай организациятнень Минь Мордовский Республикасонок маластонь пингть доложент организовать анокламань работа якстерь спортивной Интернациональ 16 кизонь годовщиначты. Физкультурнай организациява физкультурникненьди азондомс мекпальден троцкистско-зиновьевский, шпионско-диверсионнай процессть колга. Тонафнемс Сталин ялгать докладонц и заключительнай валонц; конань сон тиезь ВКП(б)-нь ЦК-ть февральский пленумсонза сян инкса, штоба машфтомс троцкистнень и иностраннай шпионтнень остатка коряньсон.

Сявомс обязательстват, штоба ладямс физкультурнай работась од ломаньтнень йоткса. Организавандамс физкультурнай вечерхт. К.—р.

## БЕЗОТВЕТСТВЕННАЯ ПРОФРАБОТНИКСЬ

Июньт 3-це шистонза Мокшэрзянь вельхозяйствань школаса улсь йотафтф профсоюзнай пуромкс. Тя пуромксса улсь 370 ломантьт, конат учсть профкомонь председателть Видманов ялгать докладонц, но Видмановсь, кода няеви тичимс ашезе шарькод ВЦСПС-ть VI-це пленумонц путфксонзон. Сян вастс, штоба тумдонза инголе организацияс тиемс отчет и лихтемс лангти сембе афсатикснень профкомть работасонза, сон кармась отчетть эзда кяшеньдемя, а отчетнай докладть тиезе клубонь заведующайсь Кайшев ялгась, конац йовси мезевок аф содай профкомть работанц колга.

Профсоюзонь члентненьди тичень арась оцю дивакс. Кода няисаськ профкомть председателец тичиень шигь самс ашезе шарькод ВЦСПС-ть VI-це пленумть путфксонзон.

Кда варжакстOME кода ащи тевсь соц.сореvнованиянь договорхнень пашкедемаснон колга, то улихть тяфтама фактт, што кой-кона студентне кода, кепедьксоньди вое Романов ялгась, сон тичимс сореvновандай Сидоркинть марта, а Сидоркинць кунар кулось.

Тяда башка улсь стата профсоюзонь члент, кода вое Гришинць, конац 14 ков ашезь паннэкшне членский взност, а сон лувонцазь профсоюзонь членкс.

Профсоюзонь пуромксса лифть-фоль путфкс, штоба ланжемс идень яслят, но Видманов тичи тевти ашезь шарфне кодамовок мяль, кода и лия лама работати.

Сембе вьре азфть эзда пяк шарькодеви мес ашезь тий доклад сонць Видмановсь. Тянь вельде сон йоразе кешемс профсоюзнай члентнень эзда эсь безделиянь.

П. Е.

## Ермаковт издевательстванза

Малавонь средний школань 10-це классонь ученикс, комсомолец Ермаковсь кафта кизошка якась К. стирьнять марта. Васенда Ермаковсь сюкоякшнесь К. стирьнять инголе, што сон сяссы урьвакс, што сон седи вакса кельгсь, нльня ламоксть васькафнезе К. стирьнять ава вельде и ст. тов.

Стирнясь верондась и ашезь шарькод сян, што Ермаковсь васькафни эсонза и макссь согласие модемс теенза урьвакс.

Мекпальден пингсь няфтезе, што Ермаковсь анычек рахси стирьнять лангса.

Ваномок Ермаковть наругаманц лангс К-сь лиссь урьвакс иля вели. Ермаковсь тянь лангс ашезь иляд, сон мольсь Маманя вели, коза лиссь урьвакс К-сь и марьгсь: „Кда аф ворьгодят мирдьцен эзда, то нолдан слухт колгат“. Пелемок тичь эзда К-сь кадозе мирьденц.

Аф ваномок Ермаковт клятванц лангс К. ялгась омбоцед лиссь урьвакс эсь велезост комсомолец Ч. И. ялгати.

Ермаковсь ушедсь нолнеме кодама повсь слухт К-ть лангс, и ламоксть марьгенць комсомолец,

Ч. И. ялгати панемс К-ть ширьденза.

Фкя религиознай праздник иляднень Ермаковсь терьдезень эсь ширезонза комсомолец Ч. И. и К. ялгатнень, коса ялгань вечера меле Ермаковсь вихца таргазе К-ть половой сотрудничествас.

К. ялгась Ермаковт сембе подлай тевензон азондозень комсомольский организацияти и ВЛКСМ-нь райкомти.

ВЛКСМ-нь райкомсь тевть расследованиянц инкса кучезе райкомонь инструкторть Игошев ялгать, конац педа-пес ашезе расследования тевть, кочкафць комсомольский пуромкс. Пуромксса сембе комсомолецне ашесть фкя мненияса, штоба панемс Ермаковт комсомолста, но Игошевсь улсь пильгенек, кядьнек кадомс Ермаковт комсомолу.

Минь эняльдтяма ВЛКСМ-нь райко мть инголе, штоба оду ваномс Ермаковт издевательстванц К. ялгать лангса и комсомольский пуромксть решениянц.

Шумкин. В. О. Ермаков В. С. Велькин И. И. Алешин Е.

Рыбкинаны р-н.

## ИСПАНИЯСА ФРОНТТНЕНЬ ЭЗГА

(ТАСС-ть сообщениянзон коряс)

### Бискайский участоксь

Июньт 23-це шинц карша веть мятежниконь частьтне, йотамок лятьт туркс, сатозь Бурсенть холманзон (Бильбаот эзда юго-запад шири) и несколько пунктт Баракальдоть района (Бильбаот эзда север запад-шири) республиканецне закрепляются од позицияненьди. Июньт 22-це шистонза шовдава республиканецне заньцезь Сорроса—Баракальдо—Сестао линиять. Промышленной центратне, конат расположеннайхть Бильбаот ня окрестностензонды, республиканецнень кядьсот. Республиканецне станя жа вию позиция заньцехть. Бильбао Вальмаседо кить лангса — Содупе, Гуэнес, Салья Саррасаро пунктова и Пагасарри пандть эса.

### Центральный фронтсь

Тахо лятьт юг ширезонза Сиера де Аларкоть лангс мятежникнень атаксон республиканецне тьождыста отбили. Республиканецне заньцезь Серро дель Мадроноть (Серрось — холма) — позициять, кона кирьди оцю стратегический значения.

### Южный фронтсь

Пособланкать района (Кордоват эзда север шири) июньт 22-це шинц карша мятежниконь авиациясь бомбардировал несколько веления, конат ащи хть фронт маласа. Улихть жертват населениять эзда.

Мотрильста Малагав моли кить

лангса, республиканецне неожидан найста операциянь тиемать вельде фатясть лама пленнайхть и военной снаряжения. Мятежникне юмафтсть 20 ломаньда лама шавфта.



СНИМКАСА: Каталониянь вооруженнай вийхнень командующайсна Посас генеральс кулхонды республиканский фкя частень командирть объединениянц (Арагонский фронт). ФОТОСЬ СОЮЗФОТОНЬ.

## Культурно-массовой работась юктаф участка

Аф ваномок сян лангс, што Жаравонь велес ули цебарь клуб и морфнема куд, но синь эсост кодамовок культурно-массовой работа аф йотафневи. Од ломаньтнень йоткса беседат, лекцият, докладт мзярдонга аф эряйхть.

Тя калдыав работась сюнеда церковникне ушедсть вятема антисоветский пропаганда. Манашкатне аватнень йоткса лувондсавь евангелиянь и библиянь. Аф кунар манашкатне якасть велеть

ланга и кочкесть ярмакт церквать оборудованиянц инкса и ст. тов.

Сян колга, што церковникне вятихть антисоветский агитация, — содасазь вельсоветонь председателсь Чепайкинсь и парторгсь Поликановась, но синь кодамовок мерат колгаст ашесть прима.

Районнай организациятненьди эряви курокоия примамс мерат Жарав велень беспечнай руководителхнень колга.

В—р. П.

Зубунь р-н.

### Мес аш газетат?

Ежка велеса сьормань конникс работай Любимкин ялгась. Сон газетань подписчикненьди сидеста аф пачфнесыне газетаснон. Любимкинць тянь азонпы сянкса, што

почтась аф максси определенной количества экземлярхт газетат.

Моя аф содаса кие муворсь и мес аш газетат?

Велькор

Ковылкинаны р-н.

## ПРИМСЕВИ ПОДПИСКА

ШИ ВЕЛЬФ ЛИСЕНДИ

„КОМСОМОЛОНЬ ВАЙГЯЛЬ“

РЕСПУБЛИКАНСКИЙ КОМСОМОЛЬСКИЙ ГАЗЕТАТ ЛАНГС

ГАЗЕТАТ ПИТНЕЦ

1 ковс—60 трьошнект, 3 ковс—1 ц. 80 трьошнект.

6 ковс—3 ц. 60 трьошнект. 1 кизос—7 ц. 20 трьошнект.

Подпискати примсесазь сембе почтовой отделениятне и сьормань каннихне.

4—6

Ответ. редакторть инкса П. ЕЖОВ.

Уполномоч. главлито № Д—69. Заказ № 1939. Тираж 1533.

г. Саранск, типография „Красный Октябрь“.